

3

T 3145/3332.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 26 1939

永寧縣志

永寧縣志卷之三

哈佛大學漢和  
圖書館珍藏印

土地部

寺觀志

邱墓附

梵宇琳宮遍天下東都白馬實開經櫺之先洛陽伽藍  
蒼萃成記昔所覽稱矣永寧洛西僻壤文人學士游履  
罕到無詩文以標山水之勝多泯滅無聞夫二氏之教  
雖難與吾道樹幟然爲

國祝釐爲民祈福君子亦有取焉載其自魏及唐宋元  
舊建重修者使蘭若丹墀猶存古意栽田博飯可以佐

焚修而已若永邑之俗舉債以侈土木捐產以養僧道  
儷文俗字充牣道塗者不載焉至名賢節士荒草一抔  
寧不足與壤利荒壇同爲弔古者所感喟歟禁牛羊之  
踐巖樵采之傷亦仁心爲質者所當念及也

福昌寺

在治北鳳翼山麓唐貞觀元年僧照公建名

香積院宋太平興國間改曰福昌元大定二年明宣

德四年隆慶六年 國朝康熙二十五年重修

重修福昌院功德碑記

大雄氏之立教也道有四焉修崇恭信之謂乎修持  
崇飾恭重信奉矣曩者王城遁跡雪嶺練心登正果  
於連河救群迷於苦海得不謂之修持乎擇地獻樹  
布金爲園大編龍藏之文克集雨花之會得不謂之  
崇飾乎展髮視步捧沙實孟飛錫則龍虎收威護戒  
則鬼神執事得不謂之恭重乎捐軀得偈越國永經  
擲空有闍筆之靈投火見不灰之驗得不謂之信奉  
乎四者兼脩一以貫之伊彼苦空之性誠爲堅久之  
行宗有相之道緣達無生之階漸宜其葺伽藍興像  
設况乎中人易染見善則遷六通將能仁爲功十地  
以善誘成教化人之說傳燈之喻剖金碧之麗導堅  
執之性者今見之矣安定士君丹穴殊姿崆峒正氣

帶囊韉而歷試雖熟武功提鉉業以增勤未佞儒士  
親田衣之侶蘊高尚之行味具菜之文得解脫之趣  
目茲香刹有所未具况此院置自有唐舊名香積迄  
於太平興國載上命改福昌之號倚翠峯而作因眺  
清洛以標奇松篁堪慙於瓶盂泉石可棲於禪律忍  
使叅元釋子結夏緇流將持宴坐之心曾無解榻之  
所由是捨爭賄易良材於院之西偏構僧堂一座行  
廊七間瓦木宏莊床座臻潔遠近之信心咸仰往來  
之白足有歸又以法輪雖轉食厨尚隘敞其舊址改  
作新規於院之東序建厨屋三間柱礎堅完戶牖嚴

麗釋迦成道當供養於乳糜居士延賓貴神通於香  
積仍以巾盂集會庖爨顯朗洗心滌慮顧法雨以可  
憑淨垢潔身指蘭湯之是務又於東南隅造浴室三  
間杏棟飄香綺䟽耀彩長供金鼎引漱玉之寒流高  
護土階甃他山之貞石矧欲化彼愚迷彰其善惡拔  
無聞之業力歸不退之真宗又於西北隅起十王堂  
一座遶末塑手遐召畫工道師方照於邪途王者咸  
趨於法會而於大殿內粧塑當尊兼展覆階磨礱埽  
城懿夫士君之作良因也厥旨遠矣始則實其有關  
終則濟其將來雲侶有室香膳有厨澡身定免於六

塵觀相已超於九橫奉宣聖達人之理遵老氏後身  
之言勝果既畢美行將書爰命謏才俾陳盛烈抽鼠  
鬚而搜妙思有謝多能披鳥跡而見良緣無慙直紀  
時大宋淳化四年歲次癸巳閏十月三日建守秘書  
省著作佐郎李用晦撰

重修福昌大殿記

夫王道正外戶不扃德在股肱佛道備萬法摠持功  
歸大士法無廢興宏之由人當土崩瓦解之際修純  
紺寶光之殿誠謂難之又難苟非內護闍梨教門真  
子其孰能與於此焉河南洛川永寧縣官道北一里  
餘鳳翼山脚有古寺一所首基故唐上方香積院高  
閣層樓仰眺女几萬峯俯視清流一水松柏藹蔚迺  
昔賢君子祈福燕游之處更涉五代存而不毀亦有  
神人密祐暨至有宋僧象廟廡榮曜尤甚五院星攢  
殿工闔巧獨一佛殿佹小無人歸敬又遭兵火焚毀  
盡矣有本寺竹林院主沙門諱福照俗姓張本縣人  
天性貞質好義多仁順世和光雖不學爲累有行豐  
之節操無宗美之權依大器晚成亦浮圖氏之出類  
者乎尊殿未立照公喟然嘆曰大雄三界法主化身  
百億人師大厦弗成信奚歸向豈免異人譏誚顯釋

子之中無志人也遂發移山煮石之確誓運起進修不退之堅心捐生之積蓄之資金化人之難取之喬木搜尋郢匠擇選班公計日尅時猶集蜂聚蟻施功助役人皆樂爲爰自貞元元年内下手治基適遭寇盜撓攘或散或聚積留二十餘年所費極多厥功莫就譬抱石泣玉時之未也賴我皇朝聖化海内又安建刹度僧重光佛日照酌宿願再啟丹誠夜燃海岸之香遍禮十方諸佛與垂加護遠離魔障罄力經營至正隆六年土庶慶來役夫辭去靡不稱竒頂禮嘆曰善哉大殿已成存亡有託徘徊轉角五間六椽戶

牖門窓悉皆周備合規合矩不華不野  
琉璃覆  
盖其上與天同色人間少有后雖有作者除國力外誠無過此斯則照公堅確洞貫金石心願攸感得圓宿志歲當丁亥月律無射潛溪比邱法潤持狀而來委余作誌頌實余年耄朽不能序事清潤直書梗概忝記歲月日大定二十二年十二月奉親禪院嗣敏撰

聖水寺 在馬村保魏太和二年僧了公建明洪武間僧了英修萬歷間又修

普通寺 在王范保魏至正元年海禪師建元至正七

年僧明珠修 國朝順治十六年重修

紫蓋寺 在馮東保隋大業二年僧清公建元至正七

年重修明正德年重修 國朝雍正九年乾隆十一

年重修

華嚴寺 在治西南舊府志在古村保唐貞觀元年僧

善聰建元至正元年僧重遠修

寶嚴寺 在孫董保唐時建 國朝乾隆十一年四十

七年修

白馬寺 在Original村保唐貞觀十年禪僧建元至正元年

僧志公重修 國朝雍正十三年重修

慈雲寺 在凡村保宋宣和四年建元至正六年修明

正德十年重修 國朝乾隆三年五十二年重修

月山寺 在楊坡保宋天聖二年僧道月建元至正四

年重修

寧刹寺 在大宋保金興定二年僧登雲建

竹林寺 在白馬原金正大中元好間撰記

見金石攷

大禪寺 在大宋保金大定五年僧青龍建

萬泉寺 在張村保元至正五年僧全公建 國朝康

熙乾隆年間重修

水峪寺 在岫山村西元至正元年僧悲公建明正統

年問 國朝乾隆年間重修

華嚴寺 在王趙保元至正五年僧至公建

大覺寺 在冀莊保元至正元年修

福聖寺 在馬村保元至大六年修明嘉靖間重修

龍泉寺 在尋峪保元至正十七年建明萬歷二十年

修

香泉寺 在王范保洪武十五年邑民劉于淵建天啟

間重修

重修香泉寺記

鳳翼王范鎮之北二里有峻嶺焉曰延壽山半淵泉

澄泓時出不竭其味甚甘酌之多壽且馨香異常不

可言狀故云香泉建寺於茲以香泉名之所從來矣

寺始創於唐歷年凡幾代矣國朝正統年間曾緣其

壞而修葺之第缺而未脩也二百餘年風雨漸侵傾

頽殊甚殿宇蕭條神像暴露登臨於斯者有不目擊

其情狀而惻然動念者乎本鎮廩膳生員鎖一貞等

有慨於中自揣綿力不能獨造謀於衆稔知居民揚

其才信士也素持齋而守戒可以修造勤事者乃敦

請之其才一膺其任抒誠苦化前任孫僚丈助以俸

金課以勤慎不踰歲而有成功焉正殿暨水陸堂白



文殿臺基水亭燦然具備煥然聿新可以備矣一時  
 狀麗百代矣余治永立政之暇遨遊其上乃見熊耳  
 凌霄洛水汪洋綠竹千頃松栢滿山景趣無盡令人  
 欣賞不置者更命任聲等復建亭於香泉之傍且濬  
 之以池成之以梁臨流者有樂地觀瀾者有餘適也  
 庶觀於前者益增而光矣謹銘石以誌不朽天啟二  
 年知縣湯思敬撰

戊申季夏偕同年王賓遠飲香泉絕句二首

通判 許勉燉

延壽山前水一灣松風爐火愛蕭閒紛紛肉食還堪  
 鄙何似餘香沁齒間

二嶠視事剛三月料量文書早放衙半日勾留緣此  
 水攜來好友共烹茶

興福寺 在吳村保明正統二年建成化二年修

萬壽寺 在馬村保

文明寺 在塢西保

延福寺 在塢西保

法土寺 在楊坡保

天堂寺 在楊坡保

千佛寺 在牛曲保

普雲寺 在王趙保

興龍寺 在管西保

河村寺 在河南保明天順年建今訛為河才寺

慈泉寺 在口口保明成化年建 國朝乾隆年修

萬壽寺 在陶隘村相傳元大德年建明宏治嘉靖年

間重修

大悲寺 在陳宋保未詳何時建明成化萬歷年間重

修

雲壽寺 在小原村相傳唐時建明成化嘉靖年間繼

修 國朝乾隆十四年重修

福嚴寺 在東仇保不知何時建明正統年修 國朝

康熙二十一年乾隆六年重修

聖壽寺 在大宋保不知何時建明萬歷年間修 國

朝乾隆十九年修

清涼寺 在小仇保傳唐時建明天順年修

興隆庵 在 保不知何時建明萬歷年修 國朝

乾隆七年重修

觀

寥天觀 在縣治南唐武德八年道士蘇邱建元正統

五年修

青羊觀 在元村保元大德二年道士李純德建明洪武十年成化年修

龍泉觀 在尋村峪保元至正十七年道士馬德超建國朝康熙四十七年修

凌虛觀 在坊廓保元大德九年道士劉志清建雲跡觀 在龔莊保明嘉靖十一年修 國朝康熙癸未修

通元觀 在管西保元至正九年道士任志欽修

靈陽觀 在東仇保 國朝康熙五十九年重修廣陽觀 在東仇保

玉泉觀 在塢西保 長春觀 在王趙保歲久傾圮

靈虛觀 在王范保金正大間建元至元九年明成化年修

邱墓

夏孔甲墓 明一統志在永寧縣東北嶠山上

按嶠西在永寧西北今以為東北誤

夏后皋墓 左傳蹇叔曰嶠有二陵焉其南陵夏后皋之墓也杜汪皋築之祖父 水經注石嶠水出石嶠

山山有二陵南陵夏后皋之墓元和郡縣考二嶠山

又名嶽崙山在永寧縣西北 輿地廣記二嶠山連入硤石界其南夏后皋墓

晉盛彥冢 李通志冢在永寧縣東彥有孝行人稱孝公墓 晉書孝友傳彥字翁子廣陵人也母王氏因失明彥每言及未嘗不流涕於是不應辟召躬自侍養母食必自哺之母既疾久至於婢使數見捶撻好忿恨伺彥蹙行取蟻蟪炙節之母食以為美然疑是異物密藏以示彥彥見之抱母慟哭絕而復甦母目豁然即開從此遂愈陸然薦之於刺史周浚

唐王質墓 金石記唐左散騎常侍王質神道碑開成二年劉禹錫撰碑云葬河南南府永寧縣洛川鄉史原從舊阡也

宋穆仕墓 李通志墓在永寧縣北大邑保仕元帥

宋何頡墓 李通志墓在永寧縣東北楊坡保頡常從東坡學詩卒葬於此名爲詩客塚

宋花用吉墓 李通志墓在永寧縣東吳村保吉均州安撫使

金韋儀墓 焦郁碑儀武德將軍墓在金門山陰

金故武德將軍韋公碣

故武德將軍姓韋氏諱儀其先世韋賢仕漢爲丞相

公其苗裔也世歷弗積至鄭公仕五代周有功故號封鄭迄於宋祖曰秀徙居京兆藍屋縣父德贈敦武郎母孫氏贈封孺人後經兵亂基業殘燬逃居關土稍復本業有子二長曰俊次日儀才皆克類儀尤親炙主善博通武經時天下騷亂羣雄嘯聚公一日謂兄曰吾等不幸生於亂世若與編氓爲伍苟勵志靖亂功名可圖兄壯其言而善之遂投本郡廣銳軍適招求銳士公以驍騎應選得從范總領麾下披堅執銳塞旗斬將累世奇功錄充函統制麾下凡所招募士卒專命訓練用致果殺幸堪受侮天會五年夏四月

月公率衆至虢州賊聞路子引兵與公戰一鼓獻馘遂定虢州范公表爲保義郎冬十有二月賊衆再犯虢公受命提兵擒殺始轉忠翊郎天會六年隨統制耿嗣宗復盧氏縣進援嵩州解圍陝州府暨宜陽諸叛賊楊偉口首泉潤什驅民數千口轉武功郎闔門宣贊舍人肇任虢州兵馬都監次任河南孟汝唐州兵馬使下五軍提轄公因遊歷宜陽永寧兩縣愛山明水秀物華人熙用自已積貯之貲置膏田一千餘頃至廢齊阜昌三年正月公率衆奏先差充虢州兵馬都監視事日久於坊廓置地一區安定縣買田四

頃阜昌八年權大總管府差充環州兵馬都監未赴  
任尋改授諸路兵馬大總管府差應右軍統領至皇  
統八年公以老歸政爲武節大夫尋換武德將軍驍  
騎尉卒於正隆元年十二月五日享壽六十有四公  
先娶原州王氏長一女適朱氏後娶號州王氏無所  
出仍娶鄧州楊氏誕男朴尋娶趙氏封安人無所出  
男朴孝行純篤廬於墓側寢苦枕塊哀思哭痛服竟  
適追前志從徵皆有破敵之功蒞事則有滅私之道  
天性儉素動而有禮一方蒙休實終賴之於是思親  
潸淚斬山立垣穴石爲棺樹碑鐫誌大定丙午歲工  
告成功九月二十日卜葬永寧太平鄉金門山之陰  
仍勒銘以垂不朽銘曰昔應勝口超然不群英資天  
賦卓冠三軍傾心効用乎兵集雲訓練旣熟憂戚能  
分進取號州出邁渠魁捨矢張弧揚音泄雷凶無不  
誅圍無不開鶴唳風聲披靡驚駭功成守官不受賄  
賂蒞政勤劬資身儉素病臻告殂永昭美故鐫銘開  
碑庶識君墓金大定二十六年立石進士阜昌焦郁  
撰

元薛元墓

施府志薛元字庸齋李通志作薛庸誤

舊府志元轉運使追封河南郡侯翰林學士承旨程

鉅夫撰神道碑記

按府志及舊志程承旨碑文失載邑令張楷親詣王范鎮北原尋文靖公墓躡荆披棘摩洗舊碑文字完好碑陰載延祐年贈勅亦皆清朗命工搨出補載志中公墓與子學士友諒墓封堆皆夷惻然久之呼其後裔居寨溝村者至今稍崇爲識清出四至禁滿立石碑表焉并於鎮西孔道傍樹碑使過客得以瞻思庶明賢棲魄之所不致湮沒云

元勅賜故贈集賢直學士亞中大夫輕車都尉追封河南郡侯謚文靖庸齋薛先生神道碑

聖天子思以二帝三王之道致太平是故表彰六經尊寵儒生借以風勵天下意甚深也國初河南徽之制行立言穎然當世縉紳尊之曰庸齋先生先生之

子友諒今直翰林爲學士天子知之延祐三年夏四月詔爲先生樹碑墓道俾臣鉅夫壽其事于石臣與友諒同寅習知先生名德固願有所述也况又奉詔謹按薛氏自漢晉爲汾陰大姓有東西南三族之別徙下邳者西族裔也先生家本下邳世有顯者大父珪讀書力田不躡世好父沂明春秋經傳再與計偕廷策輒見卻歸而聚書窮理不復出家仰其高以友諒貴贈中順大夫禮部侍郎車騎都尉河南郡侯配郭氏追奉河南郡君先生生而不群幼而有詩聲冠而載書偕表弟孫楨少華晝夜誦習不以避地廢束

葵學書泉上石爲之窪其勤類是從明理學者遊遂以聖賢爲宗國初遊大同過應州高韓二帥喜而薦之中令耶律公得應州教授俾子弟學焉公與閒語輒擊節賞會沙門萬松問先生以孔子之道何者爲要答曰君君臣臣父父子子松默服時進兵襄鄧中令薦之授檢察使督衛輝河南鄆未及改轉運軍儲使軍以無乏明年召還賞白金百兩貂裘一楊奐秦中名士也廉訪河南慕欲與遊許居幕府先生從之始定居洛西甫閱歲謂世宗曰進不能行其道徒羈缺網無爲也卽棄去一時英雋若中山楊果縉雲李嶽虞鄉麻革雲中孟攀鱗蒲城郭鎬李廷河中李獻卿洛陽宰沂皆友士也王文統柄國嘗羅致沂爲真定勸農使不得已而受陽爲不事事至亡其告身及金符於酒家文統知而迹得之沂因自免歸文統聚歷代奇謀詭計爲一書先生見而責之曰士君子如欲平治自有聖賢格言此何爲者遂絕弗與通中統初召爲平陽太原宣撫不起授河南提舉學校官亦不起日與女几辛愿柳城姚樞稷山張德直太原元好問南陽吳傑獻秘劉籍緄州李國維濟南杜人傑解梁劉好謙講貫古學且以淑人伊洛之間復蔚然



矣洛西山川明麗先生卜築其要會重以花竹池泉  
之觀良時勝友觴咏游衍浩如也自公令以下咸謂  
洛西神儒先生高明樂易誘掖不倦及門者後皆知  
名官洛師者多名鄉材大夫斯夕造席請益過者以  
獲識爲幸遇異時瞻遺貌過故居猶慨然贊咏而不  
能忘二子友直終龍州判官友諒蚤以文學記室事  
安西王王夔官州郡三十年勝殘伸枉興利去害皆  
有實狀最其次武陵潯陽活餓孳餘三十萬晚構精  
舍於洛西招徠教育迺續先生之盛心義方之明堂  
構之美蓋兩盡焉先生臨終不茹藥具湯沐授治命  
爲書別親知又題七言詩四句投筆而沒至元八年  
秋九月十日冬十一月葬永寧王范里北山之陽今  
贈集賢直學士亞中大夫輕車都尉追奉河南郡侯  
謚文靖配徐氏追奉河南郡夫人生友諒及王郝楊  
三婦次王氏生子二曰友直曰驥哥蚤世次任氏女  
八婿曰太常博士王頔曰陝西道按察副使郝繼祖  
曰集賢直學士劉適曰張經洛陽焦厚孫惟德楊師  
孟永寧張成孫男九曰濟終山陽尉曰宜孫蚤世曰  
恭曰鼎安蚤世曰寬國子生曰裕谷成務使曰信永  
城儒學教諭曰敏曰惠孫女十有四先生爲文辭得

於心有易解中庸注聖賢心學編皇極經世圖說道  
德經解陰符經論說有詩三百篇適意集嗚呼若先  
生者可謂生有以樂死有以歸俯仰天地不愧不忤  
者矣恩加蒸嘗延及皐宰不亦宜乎碑宜有銘銘曰  
大道之行三代之英元聖所至有紀有經未墜在人  
或措或舉顯允薛公其適惟魯吾師吾友莫或裨之  
匪以旦暮與千古期野有元黃吾有緇素飲水曲肱  
夢與天遇維伊之左維洛之西昔程今薛室其遠而  
湛露及泉道隆時泰夫豈公榮百世永賴北山之陽  
林深石蒼嗚呼遠矣其存者長程鉅夫撰

元游環墓 李通志墓在永寧縣東北楊坡保環善詞

賦

元全寶墓 李通志墓在永寧縣南河鎮寶永寧王

元張俞冢 李通志冢在永寧縣東俞蜀人遊驪山及

韓岳卒葬此

元完顏光祖墓 在縣西王范鎮大道有元給事中完

顏光祖神道碑 府志舊志失載

元薛有諒墓 在縣西王范鎮北山原祔葬文靖公墓

府志舊志失載

明萬安王墓舊府志在福昌寺北原

荅祿與權墓 舊府志墓在城北原與權明翰林修撰

趙翥墓 舊府志墓在縣東南翥刑部尚書

宋禮墓 李通志墓在永寧縣錦陽山

明資政大夫工部尚書宋公墓銘

公諱禮字大本姓宋氏洛之末邑人世有闕閱曾大父榮祖大父仁卿皆以積善著稱於鄉父彬至正末仕判山西臨州元亡遁迹田野國朝洪武中有司以賢良強起為蜀之儀隴令既至官有惠愛於其民未幾卒訃至公慟哭幾絕輒匍匐將往或止之曰川蜀險遠且近江流暴溢卒未可以去曰此其可緩邪即

日治資裝水行陸走越數千里始達儀隴奉喪歸葬

鄉鄰稱孝焉公幼穎悟知讀書稍長有志於學期將以自見於世由是白鄉校以明經充貢禮部補太學生以才能選者皆待以不次歲庚午遂擢公為山西

按察僉事持法嚴峻鋤奸剔蠹無少貸郡縣有司素

貪戾為培克者皆側足屏息相戒莫敢犯公於善惡

之類苗疇髮櫛無所私三晉之閭率皆想望其風采

以有所庇依癸酉以考滿上天官改除戶部山西主

事遂日治簿書會計之務出納惟允愈益有聲已卯

復出為陝西按察僉事其施於政者皆如在山西時

而關右之所仰望而倚賴之者亦若晉之民焉未幾復入刑部員外郎值太宗皇帝即位之初公署禮部方是時凡詔勅號令册命封拜朝覲會同宴飲賞賚之事皆出禮官酬對捷給咸克稱旨由是擢公為禮部侍郎明年陞工部尚書時議建北京公承奉旨取材川蜀既至飭有司率吏民歷谿谷險峻之地凡材之美者悉伐而取之由是榷楠杉檜之屬出峽道江湖涉淮泗以輸於北者先後相屬也嘗得大木為馬湖一夕自行若干步不假人力事聞詔封其山為神山山為立碑焉未幾以秩滿赴京師賜手勅嘉勞留

治冬官其於百工興作繕修之事無不具舉至是復承詔董役四川感疾而卒卒之日享春秋六十有四配葛氏先卒再娶胡氏子男二曰鑑曰銘女四一適同里劉震一適同寅劉仲廉之季子綬一適河南衛百戶孫仁一尚幼在室鑑泊長女葛氏所生餘皆胡氏出也孫男二延孫順孫其生元至正辛丑三月二十五日永樂甲辰七月乙酉卒訃聞喪歸葬以葬於鄉之錦陽山將葬其子鑑奉太子太保禮部尚書呂公所為行狀來請予銘惟公以材識超詣遇知於時歷官中外顯名終始其英聲偉績震於今垂於後者

又可以民乎遂爲銘銘曰瞻彼洛西閔閔是崇善積  
慶流委祉於公公在亂髮厥志斯奮發其蘊儲際此  
昌運兩僉外臺憲執肅清薦歷郎署益馳俊聲繼登  
儀曹克贊邦禮晚列冬官朱黻有焯迨於龍飛恩命  
維新公乃弗祿念公舊臣體魄旣歸安此窀穸銘無  
媿辭以勒貞石廬陵曾棨撰

耿裕墓 舊府志墓在長水紫蓋山之陽裕吏部尚書  
盧氏人

吳整墓 舊府志墓在大宋堡整給事中

田理墓 舊府志墓在塢東北山之陽理平涼教諭封  
御史

張孝子士益墓 舊府志墓在金門川德里村士益贈  
副都御史

張論墓 舊府志祔葬祖塋論右副都御史四川巡撫  
大學士何吾驥誌其墓

程烈婦康氏墓 舊志墓在大宋川東宋村西烈婦程  
養珠妻嵩賊陷東宋寨投崖死以子福亮貴 國朝  
贈太夫人

張烈女墓 舊府志墓在塢西堡烈女名廟兒未嫁死  
夫喪 旌表

永寧縣志 卷三  
趙建極墓 建極山西布政使流賊破太原殉節墓在  
西關外碑載康熙三年立蓋殉難時太原民瘞公屍  
後人迎歸葬此志俱未載今補之

國朝

張鼎延墓 舊志墓在永寧城東鼎延兵部右侍郎  
兵部右侍郎張公神道碑銘 吳偉業

世祖皇帝御極之十年兵部右侍郎張公鼎延夙夜左  
右執事有恪 上憫其勤勞加恩賜金幣馳歸里公  
卿祖道於長安門外都人以為榮又六年公以病卒  
於永寧之故第其子竟州太守武科都給事中璿

泣而言曰惟我 國家天造之初卿貳大僚不敢遽  
以骸骨為請有年至致仕者輒留宿衛奉朝請於京  
師其蒙 恩予告有之自先臣始是不可以莫之紀  
也又三年竟州服闕補淮安守而命偉業書公墓隧  
之碑謹按張氏陝西同州人始祖仲文避兵徙洛之  
永寧仲文以下六世諱士益緣其子中丞公貴得封  
中丞公諱論仕至四川巡撫都御史以元配段夫人  
生公公舉萬歷壬戌進士起家行人考選兵科劾兵  
部尚書霍維華以罪廷諍惠安伯張慶臻賄改勅書  
及宣大總督張曉巡撫張三杰失事狀所言皆施行

當時推其謙直陞兵科都給事中在明季啟正之世  
蘭州土司奢崇明反連結水西中丞初按蜀繼受任  
滇撫克遂前功先後收復四十七城拓地二千里五  
峰山桃紅壩之捷馘其渠魁邛笮蕩定論公爲西南  
第一方中丞歸自按蜀以清鄉居里負知兵名而公  
被擢在省垣將吏勇快軍機進止皆其職所當執奏  
每在直中夜治文書參密畫旬日不敢洗沐其劾張  
慶臻也上怒慶臻勅舊掌京營行金主書竄易詔草  
文華召對專連長山相劉公鴻訓劉賢相其曲意慶  
臻有端受取事未得考實公雖糾擿慶臻無所避終  
不從傳上怒致大臣辟故與御史吳玉持論並劾正  
而公微爲持平在廷服其知國體後於平臺數被引  
見敷奏詳敏上以爲能嘗過寢隆以中丞撫蜀子例  
不得居諫職請避歸忌者據其里居事蜚語聞左官  
薄謫而中丞以功成納節矣流寇之渡河而南也首  
陷澠池盧氏次及永寧永山城不修礮盜亦動邑無  
真令民皆搖心中丞卽巴渝之舊部過宛雒之嚴衝  
誓衆登陴捐金犒士天寒露止離風雪較疥之患城  
全身瘁屬疾不起公時已從行人司副再遷爲南京  
吏部驗封司郎中職事修舉駸駸且復嚮用旣奔喪

成服伏闕上書曰臣父山定繼方選扞鄉里戮力兵  
間致於僵仆惟主上念葛亮之渡瀘以勞定國憐子  
囊之城郢沒不忘君庶俾先臣死骨不朽上省章嫌  
其稱譽過實下所司按覈竟坐免官或以爲用事者  
因微文修舊郟非盡出於上意也監軍道湯開遠好  
直諫嘗追訟公曰永寧死鄉張論以死勤事不蒙優  
錄并其子鋼之熊耳以西塢壁以百數有不聞之解  
體乎閱七年李自成再起中州先破宜陽永寧而雒  
陽遂至不守公流離中條上形勢請於宜永之交如  
韓城三鄉者宿重兵守要害山道阨隘可以搯其吭  
而弗出且曰臣爲親受譴不獲復奉闕廷敢因耳目  
所及一陳滅賊之策永填溝壑終無所恨上亦矍之  
然竟弗召也嘗憤中樞失策流涕告所知曰嵩山綿  
亘三百里宜永當適中之地永有東西二嶠之固尤  
足設險賊之出入秦豫磐牙穿穴於其中始先人守  
永卽所以守雒守雒卽所以守中原當時不圖其功  
復用爲罪山民憤歎人無鬪志賊勢披猖未必不繇  
於此嗟乎吾父子功罪已矣如國事何哉當自成破  
永公守南城事急主僕匿於堦井賊燭以炬弗見投  
之以石弗傷越兩日有一嫗來汲僕謀於公緣縋先



上方及幕賊攜刃者至將加害嫗紿言吾子也遂脫  
脫已嫗忽不見僕傳語其儕篝火井旁號公出之歸  
於溪源寨五日中夜心動跨驢急行天明而跡者至  
報曰已去乃免公有井異記著其事文多不載公之  
免也宗人多死兩子幸無恙避地河北懷縣間行歸  
營中丞竈窺於故山中賊騎充斥公晝伏林莽夜穿  
窰穴葬暈仰天慟曰孤子自此可無憾矣汴梁之急  
也公建議秦兵雖奉詔來救賊銳甚未可爭鋒可駐  
師鞏縣扼虎牢之險爲持久及孫傳庭敗於柿園歸  
秦掃衆復出關自謂必勝公獨貽書戒勿輕敵宜修  
復雒陽進戰退守出萬全之計迺吾謀適弗用而明  
亦已亡矣兩河並覆郡邑受僞署誅鋤大姓搜牢金  
帛公子弟被執彭考惴惴宗族之弗全會 本朝受  
命大庇生民百度維新九品式叙公用薦徵拜吏部  
驗封司郎中由驗封改考功管大計是時天下新定  
長吏丞尉軍中以便宜除拜皆白版攝守年勞治行  
掾史輒去其籍莫得勾稽公據典章覈流品浮僞必  
黜貪殘必懲奏免千有餘人銓格以正甲戌分校禮  
闈所得士有至公輔者累資晉太僕少卿換大理尋  
爲正陟侍郎於工部爲左於刑部兵部爲右階通奉

大夫再進秩一等禮遇視六卿蓋異數也其在大理  
刑部也屢決大獄亭疑奏讞依於仁恕仍抗章舉正  
職業申嚴律令不爲煩苛大者定僕區之法寬株送  
之條盛夏請解出繫囚桀黠民妄指莊田詭勢自匿  
者必正其欺謾至今奉爲絜令焉公爲人曉習文法  
在事勤力鮮所回隱同列或語以受任日淺宜引嫌  
避可否公擊腕出涕曰某遭本鄉傾覆生類殄盡提  
攜細弱歸命 聖朝出虎口攀龍鱗際風雲脫湯火  
若不能出身自効禪益萬分何以見陳許汝潁之士  
乎其居心盡節如此中丞有別墅在金門山所產簞  
簞篠蕩埒於江陵之橘成都之桑公之謝政歸田疇  
廬舍次第整比於其間立家廟設義莊以尊祖收族  
暇則偕鎖少參諸公爲阡陌之游作五老圖自爲文  
記之有勸之復出者笑弗應二子中外並歷顯仕垂  
組揭節歸拜公於德里公與廉夫人慨然太息曰吾  
出智井之中上見烽火接天下見積屍撐距當此時  
未識軀命所在詎意今日骨肉復完鳴騶夾道上先  
人之邱隴哉語曰知足不辱 聖主之優老臣恩不  
可以忘也公兄弟三人季曰世延夫婦死於兵公撫  
其二孤瑛琿有恩紀廉夫人視遇如所生人以爲難

夫人事公母段太君以孝內治肅飭先於公二年以  
沒公字慎之別字玉調有文集二十餘卷墓在豐原  
之墟以廉夫人附子三人長瑄次璿也季瑛殤女三  
人孫男一挺之孫女一餘詳載墓誌偉業聞活千人  
者必有封中丞之計蘭州與水西也不多殺戮以侈  
首功不附宦寺以趣賞率舉人焚部可撫者撫之巴  
童賓女無歸者歸之其仁恩給於蜀人猶宋之張益  
州焉黃巾禍亂食祿之家多見屠滅張氏子孫獨完  
受其福嗚呼上下三十餘年觀公父子之際亦可以  
知天道矣初偉業之識淮安君於浙也因吾友張黃

門枚菴以定交繼在京師得交吏垣君距今十有餘  
年矣淮安友道敦篤契分特深熟聞公家世行歷言  
之庶足攷信茲以揭德樹旣爲屬容敢用不文辭謹  
掇拾大者著之如右而系之以詩曰金門之竹有琅  
有玕上捎白雲下拂青鸞子焉晏衍于焉考槃河水  
漣漪二嶠嶺岼篤生中丞功著西土紹啟我公主闕  
是補諤諤在廷不茹不吐亂之始生載禦其侮皤皤  
黃髮有勞實多覆白僭慝讒口則那心之憂矣涕泣  
滂沱人亦有言我罪伊何洛之竭矣乃穿我墉井之  
冽矣乃完我躬誰其擠之我是用急誰其拯之使我

心惻亂其有定天降厥祐王師徂征生民乃救帝思  
耆德召置左右豈不懷歸竭蹶恐後乃亞司空乃貳  
司馬帝曰汝勞錫之休假錦綺千純黃金百冶公拜  
稽首歸永之野飲此旨酒瞻望北邙哀我人斯何辜  
流亡愁余一老歸焉永藏蒼蒼者天矢諸弗忘伐彼  
篳管爰作笙箏嘒嘒管聲薦我蘋藻凡爾子孫不遐  
有詔神之聽之工祝致告維厥祖是承維先公是行  
鼐鼎及鼎刻茲令名如嵩與少不騫不崩後千百年  
家以永存

程福亮墓

舊志墓在錦陽山程家莊福亮總兵官

贈光祿大夫

誥封驍騎將軍程公神道碑記

張玉書

蓋人臣立極允資勘定宏猷王佐垂勲克協褒嘉鉅  
典稽彼雲台之繪名與丹青觀夫銅柱之標聲施竹  
帛壯士維邦之彥良臣詡世之楨乃若力拯橫流懋  
績藏於不伐身扶景運神休賁乎無窮幽宅旣封穹  
碑宜植公諱福亮字大功河南永寧人也爲洛國伊  
川公二十二代孫星分柳宿洛陽聿啟名宗地控龍  
門嵩少實鍾人傑祖宗澤贈驍騎將軍考養味以寇  
亂死難亦贈驍騎將軍境多烽火寧仗義以全仁國

有災氛遂移忠而作孝公賦質偉岸負奇氣善射能  
文常隨母避亂賊陷東宋寨喪母因殺賊以祭才由  
天授群欽奪鵠之奇學自家傳早擅獲蛟之譽倥偬  
而奉聖善竭力承歡慷慨而獲元兇斷頭雪忿秦省  
制府多其智勇於順治辛卯委防盤屋時賀才山作  
亂公以方器平之康熙丙午以功授西安守備十年  
學劍固有志於折衝一命分符遂矢心於保義用是  
旁巡曲沃諮士旗門因而移鎮潼關叅戎幕府迫滇  
黔告警專閩者零雨而念征人邛夔稱兵當守者歌  
風而思猛士乃於癸丑歲陞遊擊值京兵入川徵馬

與緣旗成纛公愷切調護潛消反側長安賴以全爰  
率精兵俘強賊開餉道扈王師與士卒分甘苦克臻  
底定同仇志切禮義息行伍之譁共濟情殷捍衛解  
閩閩之困程不識旌旗再出封豕潛形霍嫫姚刁斗  
重來長鯨喪魄飛芻輓粟不聞庚癸之呼執馘獻囚  
寧私甲乙之賞甲寅遷波羅副將平朱龍亂恢地數  
百里制府以聞於朝平懷慶總兵官圖將軍復以  
疏進

特簡興安掛印總兵統貔貅之衆而推心置腹寸膚未  
許敵傷開鵝鶴之營而掃穴犁庭尺地皆爲我有於

是奏楓陛宴賜瀛臺

天語殷勤案上撒金盤之果

主恩優渥厩中分玉勒之駒精鏤燦燦獨咨冀北干城  
文綺續紛重春關南鎖鑰隨奉命留守魏興招流亡  
撫凋瘵救旱設糜賑饑澤被雍豫問憫哀鴻之飛集  
而繪圖乞命以求起此瘡痍感雲漢之昭回而解橐  
推恩必欲登諸衽席辛酉十二月會 聖恩封驍騎  
將軍榮及三代然以前母楊太君未遇贈特爲請疏  
得與康太君同贈夫人天經地義心兼切於顯揚春  
露秋霜情更深於明發而且分祿以彰君惠品立名

修刊書而表先型薪傳燈續公駐興日久以年老乞  
休不許前後上五疏始得致仕歸里東山卧穩方吟  
招隱之詩西鄙勳高忽作騎箕之客壬申十二月二  
十九日卒春秋六十有九

詔遣官祭葬如制匪躬過亂四十年戮力

皇家錫命酬庸千百襮遺榮天壤雖匣中龍劍已掛松  
楸而堂上象賢克傳弓冶子四人長者已成進士次  
主政又次縣尹均需次天官季方在幼學武緯文經  
本淵源於家學珠聯璧合作楨幹於

王朝由今挹哲嗣之清標能無溯虎臣之駿烈長公屬

余誌公墓烏可以不文辭夫名在旂常奚煩載筆功  
垂帶礪不藉颺言臚其行實庶韓昌黎無諛墓之訛  
削彼煩稱使郭有道識題碑之旨云

程懋墓 舊志墓在嶽山鎮北懋淮安知府大理鄉

呂耀曾誌其墓

劉孝子墓 在馮西里孝子名芳蒙

旌

雷義士墓 在坡頭村義士名冲寬禦賊死

張烈婦顏氏墓 在王范里烈婦張檢妻拒暴死蒙

旌

曲烈女墓 在曲家村烈女名登姐拒暴死蒙

旌

張烈婦李氏墓 在大元村烈婦張元尹妻拒暴死

蒙

旌

吳兆墓 在孫洞村南兆蒲州知州

永寧縣志卷之四

土地部

里保志

津梁 附

鎮集 附

周禮立比閭族黨之法使民相安相愛黨正閭師既閑其邪僻士師又有八成之法以治之今之里保卽其遺制謹戒令均差役弭盜安民胥視乎此政之大者也邑介熊虢之交山林龐雜徑道縈紆舊爲逋逃之藪明設高門崇陽峭底三巡檢以稽查糾緝今俱廢故保甲爲



最要昔設六十里亂後逃亡一空後為十二里朝更夕改罔所適從今核正之酌道里遠近多寡一成不變可以察奸宄可以正經界而以津梁鎮集附焉

邑舊分太平長淵福田德化四鄉又分十二里犬牙繡錯雜亂難紀茲以里統保保統村莊使查保甲者

得畫一焉 東路吳村里 第一保領東關 福興

莊 魁樓村 孫家瑤 東關寨 各離城 王家邪 離

里 槐樹原 梅家瑤 各離城 王家瑤 離城 牛家莊 離

里 曹家莊 離城 池灘寨 離城 十 瑤溝村 李家原

石瑤溝 各離城 二 共村莊十五 第二保領柴家巷

溪源寨 孫殊村 各離城 南衛村 離城 吳村 離城 共

村莊五 第三保領加瑤村 離城 金家莊 離城 姜岳

村 離城 曲家村 離城 衛家凹 離城 栢原村 離城 共村

莊六 第四保領在禮村 離城 村一 第五保領經

村 王村 史村 各離城 卜家營 離城 二 田凹村

小廟底 綿延溝 小石澗 各離城 大石澗 離城 四

山後村 離城 六 官嶺村 加瑤 各離城 共村莊十二

東路吳庄里 第一保領余庄鎮 西莊 各離城 馬

院村 離城 十 蒼溝橋 離城 十 共村莊四 第二保領

溪村 興隆莊 各離城 花泉村 離城 十 共村莊三第

二保領嶺山村 離城二里 馮莊村 溫莊村 各離城二里

共村莊三 第四保領興莊村 新店灣 各離城十五里 新

莊村 離城十里 共村莊三 西路王范里第一保領

西關 西瑤 寺溝村 離城二里 茶坊村 離城五里 共村莊四

第二保領東經局村 高莊 各離城二里 西經局村 譚

莊 各離城三里 共村莊四 第三保領王范鎮 磨溝 各

城五里 寨溝 離城六里 石瑤村 離城十五里 王溝村 離城十八里 李家

莊 離城三里 郭莊村 離城十三里 大渠堰 離城十五里 共村莊八

第四保領塢東村 離城七里 塢南村 小原村 各離城八里 桑

原村 祝家原 各離城十五里 馬溝 離城二十里 賀家村 離城三十里

上河村 竹園溝 離城十五里 石板溝 離城十里 共村莊十

西路東仇里第一保領 塢西村 土橋村 崇

口村 各離城十里 魚領村 離城二里 崖底村 羅溝村 離城十五里

里 張坡村 離城十里 董家村 離城十五里 杜家門村 離城十六里

凡庄村 離城八里 鍋牌凹 離城十九里 黃瓜凹 離城三十里 共村

莊十二第二保領 邱家凹 離城十里 長溝村 離城十五里

瓦村 離城三十里 界村 吳家塋村 各離城十三里 石板村 離

三十里 竹園溝村 離城十七里 廟溝村 楊圪塔村 各離城四十里

雙橋村 王嶺村 各離城十五里 趙嶺村 離城八里 高陽村

王溝村 山岔溝 各離城五十里 梭莊村 離城十五里 豹子崖 離

五里 武家川 離城六里 石馬嶺 離城七里 黃湯村 羅莊  
 二里 各離城八里 沙平村 離城八里 虎迫村 離城九里  
 八十 邢陰村 離城九里 共村莊二十五 第三保領徐家

橋 張村集 瑤院村 各離城二十里 徐家原 離城八里 喬家

原 離城九里 尚家村 喬家村 各離城十一里 胡家坡 關

王廟 各離城十二里 漢坡村 離城十三里 胡家原 鄭家村

陳家門 各離城十四里 尹家村 翟嶺 各離城十五里 桑子凹

離城二里 六道頭 離城七里 沈家溝 離城八里 徐圪塔 離城三十

九里 呂家村 離城十里 張楊村 離城十二里 陽山村 王嶺村

各離城十五里 蓮花池 離城十五里 共村莊二十四 西路馮

西里 第一保領東仇里 離城十二里 馬店集 離城十五里 瑤

灣村 離城十六里 新莊村 離城十二里 返坡村 離城十五里 趙坑村

離城十八里 碗凹村 離城十里 張瑤村 離城十三里 洛溝村 離城四十

五里 牛王廟村 離城十六里 家溝村 離城十八里 霍子村 離城十里

錫村 離城十二里 王嶺村 離城十三里 四龍廟村 離城十五里 陽坡

河 離城十六里 楊岔村 離城十八里 紫溝村 馬羊村 各離城五十九

里 沙沱村 離城十里 共村莊二十 第二保領百王廟

村 離城三十里 白水澗 離城十五里 石門村 離城十六里 虎廟村

瑤院村 各離城十八里 田村 離城十九里 小仇村 離城十六里 王驂

村 離城十七里 郭家瑤 離城十九里 結義村 離城十里 中峪村 離

里保志

四十太山廟 離城五里  
 楊若池 離城五里  
 油溝村 離城五里  
 高四村 離城五里  
 曹河村 離城五里  
 焦河村 離城六里  
 莊科 離城六里  
 西路底 離城六里  
 滴水岩村 離城六里  
 共村莊 離城六里  
 西路底 離城六里

張里 第一保領西寨村 離城三十五里  
 平峪村 離城三十五里  
 縫衣口 離城三十五里

各離城三十六里  
 孟家峪 離城三十七里  
 河磨頭 離城三十九里  
 東長水鎮 離城三十九里

長寧 各離城四十里  
 毛甘河 離城四十一里  
 七里廟 離城四十二里  
 西長 離城四十二里

水 離城四十三里  
 后灣村 離城四十四里  
 馬河村 離城四十五里  
 簡四村 離城四十五里

四十廟四村 離城四十七里  
 陽內四村 離城四十八里  
 李家村 離城四十五里

六里兩耳山 離城六十里  
 火燒房村 離城六十五里  
 楊洞村 離城六十六里  
 安溝村 離城七十里

安溝村 離城七十里  
 桃園村 離城七十三里  
 煙平村 離城八十里  
 共村 離城八十里

莊二十一 第二保領坂坡根 離城五十里  
 楸樹嶺 離城五十里

柿莊 羅四村 磨溝村 劉溝坡 各離城六十里  
 郝莊 離城六十里

滬池村 黃四村 小鐵溝 梳子凹 各離城六十五里

王村 離城六十七里  
 江裏村 言溝村 吳村 各離城七十里  
 核桃 離城七十里

溝 喬溝村 羅嶺 各離城七十五里  
 觀音堂 離城八十里  
 韓溝 離城八十里

村 后言溝村 各離城八十五里  
 賈村 江子陽村 各離城九十里

花馬溝 離城九十五里  
 孫石溝 離城一百里  
 共村莊 二十五里

三保領車山村 離城六十里  
 七劍方村 和溝村 楊莊 離城六十里

洛河崖村 各離城六十五里  
 索羅溝 離城六十七里  
 郭溝村 離城六十八里

八里園子村 索樹村 武駝村 吳嶺村 各離城七十里  
 川 離城七十里

子溝 李溝村 棗林村 花瑤村 各離城七 后索

川 離城七 梁莊 蘿溝院 石溝村 趙村 大鐵

溝墘 金洞溝 各離城七 竹園溝 離城七 李后頭村

離城七 沙駝村 離城七 王岡嘴 瑤溝村 蟬菊

蘆子溝 各離城八 沙子萬村 離城八 駱駝院 離城八 毛

凹村 離城八 郝溝村 離城九 孫石溝 離城九 共村莊

三十四 第四保領南掌村 北掌村 庫筭原村

佛瑤頭村 栢樹嶺村 西村 胡村 各離城一百里 劉

家墳村 賀家莊村 各離城一百二十里 葛九坪 龍潭溝

九經澗 槐樹原 瑤子坪 磨溝村 挿把溝

馬牙溝村 燒爐溝 大岔溝 火石溝 浩樹溝

棗樹園 杏樹園 念約溝 刀山嶺 進水溝

東鞍溝 各離城一百三十里 西仰天池 離城一百三十五里 鞍子頭 離城一百

四十里 共村莊二十九 第五保領喬河村 離城九 官

東凹 馬蹄村 亂馬池 段河村 康凹村 瑤

頭村 孃孃廟村 言箭村 峪裡村 孃孃膝村

各離城一百里 窄溝村 劉溝村 各離城一百一十里 共村莊十三

第六保領紙房村 苦溝村 各離城一百一十里 李子凹 離城一百零五

里 馬凹村 下王村 瑤溝村 各離城一百一十里 莊子村

上郭街 各離城一百二十里 五元頭村 小峪村 各離城一百二十五里

廟溝村 離城一百里 橋溝村 離城一百里 共村莊十二

第七保領杜家河 離城一百里 瑤頭村 離城一百里 李峪村

離城一百里 尙村 離城一百里 趙村 離城一百里 涼河村 離城一百里 言村 中

村 各離城一百里 廟四村 離城一百里 涼河村 離城一百里

呂溝村 離城一百里 小峪村 離城一百里 蔴溝村 離城一百里

里 石板河 離城一百里 盤城村 離城一百里 黃城村 離城一百里

五十大馬山村 離城一百里 金山澗村 離城一百里 安溝

村 元四村 各離城一百里 共村莊十九 第八保領嶺

南村 上溝村 西村 河川村 煙頭村 各離城一百里

棗窩村 骨陀村 各離城一百里 白廟村 紙方村 各離城一百里

百二上言村 下言村 各離城一百里 西頭村 李坡

村 各離城一百里 后廓河 焦子河 各離城一百里 梨樹坡

村 東凹村 各離城一百里 南園村 離城一百里 牛家溝 離城

一百五共村莊十九 第九保領故縣街 離城一百里

高門關 任家瑤 桃坡村 楊坡村 各離城一百里

尋峪村 元寶莊 瑤凹村 各離城一百里 黃背嶺 沙

河口 各離城一百里 牛心山村 離城一百里 共村莊十一

第十保領峽石河村 楊樓村 各離城八十里 雞罩凹 專

峪村 茲遵村 各離城五十里 對子村 峽石村 各離城五十里

莊頭村 下峪街 茅草凹 各離城一百里 上莊 離城一百里

元寧縣志 卷四 里保志 七

河東村 離城一百里 西寺村 離城二十里 共村莊十三

第十一保領雙瑤村 離城五里 袁家凹 離城十五里 下遷頭

桑樹嶺 薛家嶺 各離城六十里 楊峪河 離城十五里 高坪 離城六十里

八董寺集 潘村 程家瑤 各離城七十里 程家嶺 離城十五里

碾底 離城七十八里 崇陽集 離城八十里 鐵爐坪 離城一百里 留各甸

離城一百零五里 倉上 離城一百一十里 共村莊十六 第十二保

領禮村 離城四十五里 水南村 離城四十七里 柳溝 離城四十八里 劉家營

離城五十里 韓家岔 長明溝 各離城五十二里 新莊 離城五十八里 孫

洪峪集 楊家園 各離城六十里 溝口村 瑤子頭 各離城六十五里

里蘆葉河 離城七十五里 瓦廟河 離城八十里 熊掌印 離城八十五里

朔村 青岡坪 各離城一百一十里 共村莊十六 第十三保領

磨頭村 離城三十五里 古村 離城三十八里 底張集 廟溝 各離城四十里

寨根村 離城四十一里 小店村 離城四十三里 石井頭 離城四十六里 安溝

村 離城四十六里 范河 離城五十里 竹園溝 離城五十四里 王凹村 離城五十五里

六共村莊十一 第十四保領大陽集 茨榆溝

張家凹 各離城五十五里 下高村 離城五十二里 水溝 離城五十三里 園上

澗池 各離城四十五里 李圪塔 青洞溝 各離城五十五里 草湖

上高村 各離城六十里 楊家河 麥張溝 各離城七十里 小東溝

關庄 各離城七十五里 大東溝 馬營 各離城八十里 青岡坪 離城九十里

里共村莊十八 第十五保領侯峪 離城三十五里 牛王廟

離城三里 曲家村 離城十里 蘇村 離城十三里 黃村 離城十五里 紫

窑村 離城十七里 南村集 離城十里 刁崖 離城十里 共村莊八

南路陳宋里 第一保領寨子村 小珠村 各離城六里

小原村 離城八里 張寺溝 離城十里 共村莊四 第二保領

大原村 坡頭村 各離城七里 共村莊二 第三保領陳

宋里 離城十里 東王里村 離城二里 共村二 南路樊村里

第一保領西王里村 離城五里 方村 馬營村 各離城二十里

孟村 離城十三里 南洞村 離城十八里 孫洞村 離城十里 共村莊

六 第二保領北村 離城十里 中方村 離城十二里 紅嶺村

離城三十六里 西山底村 草廟嶺村 各離城四十里 亢凹村 離城四十

三 彭凹村 離城十七里 共村莊七 第三保領土橋村 離城

十五 張瑤村 北趙村 孫村 各離城二十里 南趙村 離城二十

二 凡村寨 離城十八里 凡村 字方村 各離城三十里 南瑤村 離城

四十 共村莊九 第四保領小許村 官底村 各離城二

十五 大許村 離城十里 南風村 離城十三里 薛橋村 離城四

東山底村 離城十二里 共村莊六 南路王召里 第一

保領王召寨 離城五里 歇馬店 離城六里 月瑤村 離城七

觀灣村 下王召村 上王召村 各離城八里 新村 離城九

理 小山底村 南莊 各離城二十里 金山廟村 潘瑤村

花園寺村 潘道溝 各離城十五里 董家溝 離城十六里 剛廟



村 后蒙村 各離城三十里 沙坡嶺村 小池村 各離城十三里

大池村 楊馬溝 各離城十五里 碾子溝 離城十里 共村莊

二十一 第二保領八柏坡 離城十里 時上村 離城十五里

漿裏村 離城十七里 春龍溝 離城十里 三官廟村 離城五里

天浪村 離城十五里 水簾洞 離城六里 郭岔村 離城十二里 共村

莊八 第三保領爐底村 離城八里 中益村 離城四里 陳吳

村 離城十里 德里村 谷圭村 各離城十二里 新寨村 離城十里

共村莊六 南路原村里 第一保領草莊頭村 離城

里 西陶峪 離城十里 東陶峪 離城三里 上寺村 離城十里 赦

書村 離城七里 院西村 離城十五里 共村莊六 第二保領

澗口村 離城四里 張村灣 張村寨 各離城十五里 東張村 離城

十六 共村莊四 第三保領洪崖村 離城十里 高灣村

離城二里 黃村 離城十五里 塌溝村 離城十六里 桐樹嶺 離城二

唵東村 離城十里 大魚溝 離城十五里 劉后坡 離城十里 共村

莊八 北路大宋里 第一保領磨溝村 離城七里 新

莊 展村 各離城十八里 賈瑤村 東宋 各離城二十里 牛莊 大

宋村 鄭家莊 各離城十二里 祁溝村 離城十三里 西村 離城

五 共村莊十 第二保領小宋村 離城十五里 方裡村 離城

二十 員家莊 離城十里 丁家寨 離城十二里 羅家四 流峪

村 各離城十五里 宅野村 馬家莊 各離城四十里 共村莊八

第三保領老李灣 離城三十里 趙寨村 離城十里 葫蘆河底

村 離城四里 舊縣村 宋瑤村 各離城五里 其村莊五 第

四保領西塢街 離城十五里 王家嶺 離城十九里 齊家莊 離城三十

里 邢家嶺 離城十二里 其村莊四 第五保領呂坡村 離城

十八里 王溝村 離城二十里 程溝灣 離城十二里 郭村 離城十四里 馮

村 離城二十五里 其村莊五 北路楊坡里 第一保領官

莊村 離城三十里 河西村 離城十五里 程頭村 離城十八里 楊坡村

離城四十里 刀環街 離城十五里 牛頭村 離城十里 郭五頭 離城六十

里 其村莊七 第二保領瑤頭村 牛渠村 離城三十里 元崗村 離城十二里 大門樓村 離城十里 麻葉村 離城十五里 程

村 離城十五里 范店村 離城十五里 雞叫頭村 茶房嶺村 各

城六里 其村莊九 第三保領王南河村 離城十五里 程嶺

村 離城十六里 原村 離城十八里 牛店村 離城十九里 河底鎮 營

裏村 高河村 各離城六十里 侯坡村 離城十五里 塚村 離城十六里

段莊 馮嶺村 各離城十七里 河海村 王場村 各離城六十九里

里 屯里村 牛京村 各離城十二里 胡扒村 王嶺村 各

城七十里 石雞坪 離城十六里 其村莊十八 第四保領辛

河南村 離城十五里 毛家莊 離城十七里 楊岔村 離城十九里 梁家

莊 普陀店 各離城六十里 瑤屋村 離城十二里 劉頭村 離城十五里

任家村 離城十六里 李家村 離城十九里 毛家村 馬溝村 各

城七十里張川溝離城七杜寺村西村各離城石溝村

離城八路村簸箕窠村藕池村各離城共村莊

十五里十八總計保五十五保村莊六百十六每保量大小

設保正三四五名有差按保正郎周禮黨正漢曰嗇

夫漢志其鄉小者縣署嗇夫一人主知人善惡為役

先後知人貧富為賦多少平其差等役賤而責重鄭

康成曾為之欲勸睦婣平爭訟定輸納必自慎擇保

正始

津梁 道路附

陳宋官渡船一隻里民王有生及王君甫等先後修

高門關官渡船一隻

澗口官渡船一隻

長水官渡船一隻俱知縣張楷捐造

鐵梁橋在王召村里民章撰等修

蒼龍橋在余庄鎮監生金殿臣郭無服等修

董氏橋在底后里鄉民高金等修

泥澗橋在王范鎮知縣魯成龍修

登雲橋知縣左懋源修

九龍橋縣西十五里里民郭可銘等修

雙龍橋在城頭村知縣左懋源建

牛頭村橋雍正十三年建

魯班橋乾隆十三年建

雙鳳橋乾隆二十八年建

城頭村土橋乾隆二十年修以上四橋俱通河底鎮路  
河底鎮通陝州宜陽東西孔道乾隆五十二年里民王  
玘捐地二百四十步廣四畝零

鎮集

城內集三五八日市

王范集城西五里二七日市

長水集城西四十里一四六日市

余莊集城東十里一四六九日市

河底集城東北六十里一三六八日市

永寧縣志卷之四

土地部

土產志

書云惟土物愛厥心臧闢風於鬱奠葵菽瓜壺茶檮及  
倉庚蟋蟀豨縱之微必陳周禮職方紀漆林絲枲六擾  
五種不貴異物賤用物民乃足旨哉言乎舊志槩刊之  
僅存竹蘭數種非體矣茲仍以各志志之士之毛物之  
華專心本業無作奇技爲民上者攷其寒煖燥濕之性  
高卑遲早之宜率作於事勞民勸相胥在是矣可忽視  
乎哉

穀之屬 黍 粟 稷 稻沿洛河皆有 粱 小麥 大麥

豆 有黃赤黑紅扁豌豆等類 芝麻 菜子 御穀 蕎麥

木之屬 松 栢 檜 槐 楸 桐 桑 椿 楸

棠 楊柳 皂莢 青桐

果之屬 桃 杏 梅 李 梨 柿 棗 栗 榛

石榴 蒲萄 蘋果 花紅 酸棗

蔬之屬 葱 韭 芥 蒜 菘 苜 蒿 苣 山藥

萊菔 黃瓜 菜瓜 西瓜 甜瓜 南瓜 東瓜

蔓菁 茗蕒 芹 豆莢 扁豆 竹筍 百合

藥之屬 黃芩 知母 半夏 桔梗 連翹 藜蘆

荆芥 柴胡 車前子 益母草 金銀花 細辛

葛根 丹參 山查 防風 香附 天南星 前

胡 黃精 寄生 瞿麥 旱蓮 何首烏 薄荷

茯苓 貝母 欬冬 杏仁 桃仁 蒼朮 艾

酸棗仁 茵陳 地骨皮 紫蘓 沙參 知母

貫衆 杜仲 紫草 王不留行 猪苓

花之屬 牡丹 芍藥 望春 山蘭 迎春 迎夏

蓮花 海棠 石榴 桂 菊 臘梅 木槿 石

竹

禽之屬 雞 鴨 雀 鵠 燕 雁 鷹 鴉 烏

鵲 黃鸝 布穀 鳩 鴛鴦 鷓鴣 山雞 竹  
雞 雉

獸之屬 馬 騾 驢 牛 羊 豕 犬 虎 豹  
狼 豺 鹿 獐 麋 兔 狐 獾 猫

鱗之屬 鯉 魴 鯽 鱖  
介之屬 龜 鱉 蚌 蝦 蟻

貨之屬 棉花 布 炭 石炭 靛 竹器 蠟  
竹

舊志永寧山環水繞地宜竹原野溪澗大半皆竹園  
園廣或數十畝引渠灌溉干霄如翠屏製為器用粥

於秦晉及本省邑人倚以為生順治十二年奉上檄  
永寧解竹四百竿供太醫院燒取竹瀝十四年以永  
寧竹皮薄味苦檄買懷慶竹應用邑竹減至二百竿  
康熙九年減至一百竿十四年減至十五竿又減至  
一十竿二十七年減至十竿二十八年冬總領陰守  
乾傳

昔河南鮮竹不必解永行停止

郡守張漢續府志永寧多竹以園計利最饒永人謂  
不鑠黃金櫃予有偶句云青光幻作金銀氣綠野弛  
封鎖鑰門猗猗相望差可不俗惜愛笋苗不喜耘除

致使多竹有把無掛罕有如椽者

按中州山少木即嵩嶽二室僅寺觀中老樹數十  
 株而已其連峯疊嶂皆童也洛西惟宜陽錦屏翠  
 柏浮天他山亦鮮永寧緣坡背嶺多茂林修蔭  
 立竹園中亭亭可愛且水泉滋潤故合抱者有自  
 龍頭山以西松栢榆青黃楊等木可為棟梁標柱  
 者碩大且蕃其盛埒於盧氏村民斧斤以時入伐  
 之縛為筏春漲浮洛而下郡城及偃鞏諸邑營造  
 者資焉其枝條供燔爇之用鬻於城市獲利承平  
 歲久生齒日繁取用者宏稍減於昔然貧富之民  
 藉以衣食魏書宏農饒竹木所謂天地古今自然  
 之利乎



